



კანონთა და განკარგულებათა კრებული

ამიერკავკასიის სოციალისტური ფედერატიული საბჭოთა რესპუბლიკის
მუშათა და გლეხთა მთავრობისა.

1926 წლის
ივლისის 15.

№ 6.
განყოფილება პირველი

ა/კ. ცენტ. აღმას. კომიტ.
საკანონმდებლო კომისი-
ასთან არსებული კანონ-
თა გამოქვეყნების განყოფი-
ლებების მიერ გამოცემ.

შ ი ნ ა ა რ ს ი :

- მუხ. 667. ა/კსტსრ შედგენილობაში შემავალი რესპუბლიკების განათლების სახალხო კომისარიატების სპეციალური სახსარის შესახებ სამეცნიერო დაწესებულებათა განყოფილებისათვის.
- „ 668. ა/კსტსრ შედგენილობაში შემავალი რესპუბლიკების ჯანმრთელობის სახალხო კომისარიატების სპეციალური სახსარის შესახებ სამეცნიერო-საჩვენებელი და სამკურნალო-სასანიტარო დაწესებულებათათვის.
- „ 669. გაზის მიღების საგასაყიდო ღირებულების შესახებ.
- „ 670. დაწესებულებათა მიერ კურსებზე წარგლეწილ პირთათვის ხარჯების კომპენსაციის შესახებ.
- „ 671. პენსიონერთა პრეტენზიების შესახებ.
- „ 672. სამშენებლო მუშაობის წარმოების დროს უშიშროების ღონისძიებათა შესახებ.
- „ 673. ხანძართა სტატისტიკური აღწერის შესახებ.
- „ 674. სასაკლავო და ქალაქის მოედნებზე საკლავი საქონლისა, დაკლული საქონლის ხორცისა, ხორცეული პროდუქტებისა და თევზის ყიდვა-გაყიდვის შესახებ.
- „ 675. სანატორიუმებში და დასვენების სახლებში წასვლისათვის საჭირო სამგზავრო ხარჯების გადახდის წესის შესახებ.
- „ 676. საზაფხულო პერიოდში სხდომების აკრძალვის შესახებ ყოველკვირეული დასვენების წინა-დღის 12 საათიდან შემდგომი სამუშაო დღის 11 საათამდე.
- „ 677. ამიერკავკასიის საკონტროლო ციფრების შესახებ.
- „ 678. ა/კსტსრ სახელმწიფო საგეგმო კომისიის პრეზიდენტის სხდომებზე სახალხო კომისარიატების წარმომადგენლობის შესახებ.
- „ 679. მოსაშვეი წევოს საბითუმო და ცალობითი (საეტიკეტო) ფასების შესახებ.
- „ 680. უცხოელთა საცხოვრებელი დოკუმენტის დებულების შეცვლის შესახებ.
- „ 681. სპირტის სასმელების შენახვისა და გასალბების წესების დარღვევისათვის კონფისკაცია-ქმნილი საგნების გაყიდვით შემოსული ჯარიმისა და ფულის განაწილების შესახებ.

დადგენილება № 17 აქსფსრ სახალხო კომისართა საბჭოსი.

667. ა/კსფსრ შედგენილობაში შემავალი რესპუბლიკების განათლების სახალხო კომისარიატების სპეციალური სახსარის შესახებ სამეცნიერო დაწესებულებათა განყოფილებისათვის.

ყოველგვარი სამეცნიერო და სამეცნიერო-მხატვრული დაწესებულებისა, ბიბლიოთეკებისა და სამეცნიერო საზოგადოებების ფინანსური მდგომარეობის გასაუმჯობესებლად აქსფსრ სახალხო კომისართა საბჭო ადგენს:

1. აქსფსრ შედგენილობაში შემავალი რესპუბლიკების განათლების სახალხო კომისარიატებს უფლება ეძლევათ იქონიონ სამეცნიერო დაწესებულებათა განყოფილებისათვის სპეციალური სახსარი, რასაც ისინი შემოსავლის სახით მიიღებენ:

ა) აღნიშნული დაწესებულებების მიერ გამართულ ლექციებზე, კონცერტებზე, გამოფენებზე და სანახაობზე დასწრებისათვის, აგრეთვე წიგნებისა, სახელმძღვანელოებისა და კოლექციების სარგებლობისათვის სასყიდლის გადახდევინებით;

ბ) ბიბლიოთეკებიდან წიგნების დუბლიკატებისა და სხვა გამოუყენებელი და დაძველებული ქონების გაყიდვით, გამოცემის უფლებისა და თვით გამოცმათა გაყიდვით;

გ) აღნიშნული დაწესებულებების მიერ მოწყობილი ლაბორატორიებისა, სახელოსნოებისა, კაბინეტებისა და საწარმოთაგან და მათ განკარგულებაში ქონებული მიწის ნაკვეთებისა, შენობებისა და სხვ. ქონების ესპლოატაციით;

დ) სახელმწიფო დაწესებულებებისა და საზოგადოებრივ ორგანიზაციებისაგან მიღებული დახმარებით, კერძო პირთა შეწირულებისა და სხვ. შემთხვევითი შემოსავლით.

2. სპეციალური სახსარის მიღებისა, შენახვისა და დახარჯვისა, აგრეთვე ანგარიშგების წესი განისაზღვრება განსაკუთრებული ინსტრუქციებით, რასაც გამოსცემენ აქსფსრ შედგენილობაში შემავალი რესპუბლიკების ფინანსთა სახალხო კომისარიატები, იმავე რესპუბლიკების განათლების სახალხო კომისარიატებთან შეთანხმებით.

3. დაწველოს ა/კ. ფინანსთა სახალხო კომისარიატს, აქსფსრ შედგენილობაში შემავალი რესპუბლიკების სახალხო კომისართა საბჭოებთან შეთანხმებით, შეადგინოს იმ დაწესებულებათა სია, რომლებზედაც ეს დადგენილება გავრცელებულ უნდა იქნეს.

4. დადგენილება ესე სამოქმედოდ შემოღებულ იქნეს 1925 წ. ოქტომბრის 1-დან.

აქსფსრ სახალხო კომისართა საბჭოს
თავმჯდომარე მ. ორახელაშვილი.

აქსფსრ სახალხო კომისართა საბჭოს
საქმეთა მმართველი ნ. სოკოლოვსკი.

1926 წ. მაისის 28. ტფილისი —სასახლე.

გამოქვეყნებულია „ზარია ვოსტოკა“-ს 1191 №-ში 1926 წ. ივნისის 3-ს.

დადგენილება № 18 აქსფსრ სახალხო კომისართა საბჭოსი.

668. ა/კსფსრ შედგენილებაში შემავალი რესპუბლიკების ჯანმრთელობის სახალხო კომისარიატების სპეციალური სახსარის შესახებ სამეცნიერო-საჩვენებელი და სამკურნალო სასანიტარო დაწესებულებათათვის.

აქსფსრ შედგენილებაში შემავალი რესპუბლიკების ჯანმრთელობის სახალხო კომისარიატების სამეცნიერო-საჩვენებელი და სამკურნალო-სასანიტარო დაწესებულებების ფინანსური მდგომარეობის გასაუმჯობესებლად აქსფსრ სახალხო კომისართა საბჭო აღდგენს:

1. აქსფსრ შედგენილებაში შემავალი რესპუბლიკების ჯანმრთელობის სახალხო კომისარიატებს უფლება ეძლევათ იქონინ:

ა. სამეცნიერო-საჩვენებელი დაწესებულებათათვის სპეციალური სახსარი, რასაც ისინი მიიღებენ შემოსავლის სახით:

ა) აღნიშნული დაწესებულებების მიერ გამართულ ლექციებზე, კონცერტებზე, გამოფენებზე და ს.ნახაოებზე დასწრებისათვის, აგრეთვე წიგნებისა, სახელმძღვანელოებისა და კოლექციების სარგებლობისათვის სასყიდლის გადახდევინებით;

ბ) გამოცემის უფლებისა და თვით გამოცემათა გაყიდვით;

გ) აღნიშნული დაწესებულებების მიერ მოწყობილი ლაბარატორიებისა, სახელოსნოებისა, კაბინეტებისა და საწარმოთაგან და მათ გამგებლობაში ქონებული მიწის ნაკვეთებისა, შენობებისა და სხვ. ქონების ექსპლოატაციით;

დ) სახელმწიფო დაწესებულებებისა და საზოგადოებრივი ორგანიზაციებისაგან მიღებული დახმარებით, კერძო პირთა შეწირულებისა და სხვ. შემთხვევითი შემოსავლით;

ბ. სამკურნალო-სასანიტარო დაწესებულებებისათვის სპეციალური სახსარი, რასაც ისინი მიიღებენ შემოსავლის სახით:

ა) მკურნალობისა და ყოველგვარი სამკურნალო დახმარების აღმოჩენისათვის სასყიდლის გადახდევინებით;

ბ) კლინიკებისა, სახელოსნოებისა, საბჭოთა მეურნეობებისა და სხვაგვარი სამკურნალო-დამხმარე დაწესებულებათა მეურნეობრივი გამოყენებით;

გ) სამკურნალო-სასანიტარო დაწესებულებების მიერ მოწყობილ საწარმოთაგან;

დ) კერძო პირთა შეწირულებით, სამკურნალო-სასანიტარო დაწესებულებათათვის მიჩენილ სახლებში სადგომების გაქირავებით და სხვ. შემთხვევითი შემოსავლით.

2. 1-ლ მუხლში აღნიშნული სპეციალური სახსარი შეიტანება სამეცნიერო-საჩვენებელი და სამკურნალო-სასანიტარო დაწესებულებების ბიუჯეტებში; ამასთანავე ხარჯთ-აღრიცხვაში ამ შემოსავლის აღნიშვნის გამო შემცირებულ არ უნდა იქნეს არსებული ასიგნებები.

3. სპეციალური სახსარი მოხმარდება სამკურნალო-სასანიტარო საქმის გაუმჯობესებასა და გაფართოებას საბიუჯეტო თანხების დამატებად, სპეციალურ მოწყობილებას, ახალ სამკურნალო მეთოდების შემოღებას, ავადმყოფთა სადიეტო კვების გაუმჯობესებას, იარაღებისა და ინვენტარის შექმნას, დროებითი შტატგარეშე სამედიცინო და ტექნიკური პერსონალის შენახვას.

4. სპეციალური სახსარის მიღებისა, შენახვისა და დახარჯვისა, აგრეთვე ანგარიშგების წესი განისაზღვრება განსაკუთრებული ინსტრუქციებით, რასაც გამოსცემენ აქსფსრ შედგენილობაში შემავალი რესპუბლიკების ფინანსთა სახალხო კომისარიატები, იმავე რესპუბლიკების ჯამრთელობის სახალხო კომისარიატებთან შეთანხმებით.

5. დაველოს აქ. ფინანსთა სახალხო კომისარიატს, აქსფსრ შედგენილობაში შემავალი რესპუბლიკების სახალხო კომისართა საბჭოებთან შეთანხმებით, შეადგინოს იმ დაწესებულებათა სია, რომლებზედაც გავრცელებულ უნდა იქნეს ეს დადგენილება.

6. დადგენილება ესე სამოქმედოდ შემოღებულ იქნეს 1925 წ. ოქტომბრის 1-დან.

აქსფსრ სახალხო კომისართა.
საბჭოს თავმჯდომარე მ. ორახელაშვილი.

აქსფსრ სახალხო კომისართა
საბჭოს საქმეთა მმართველი ნ. ხოკოლოვსკი.

1926 წ. მაისის 28. ტფილისი—სასახლე.

გამოქვეყნებულია „ზარია ვოსტოკა“-ს 1191 №-ში 1926 წ. ივნისის 3-ს.

დადგენილება 2884 აკსუსრ შინა-ვაჭრობის სახალხო კომისარიატისა.

(მოწესრიგების განყოფილება)

1926 წ. მაისის 27.

669. გაზის მიღების საგასაყიდო ღირებულების შესახებ.

ამიერკავკასიის ცენტრალური აღმასრულებელი კომიტეტის მიერ „შინა-ვაჭრობის სახალხო კომისარიატის დებულების შესახებ“ 1924 წ. ივნისის 26-ს თარიღით გამოცემული დადგენილების მე-3-ე მუხლის „გ“ პუნქტის თანახმად— აკსუსრ შინა-ვაჭრობის სახალხო კომისარიატი, თავისი, 1925 წ. ივნისის 10-ს თარიღისა და 46 №-რის, დადგენილების („ზარია ვოსტოკა“-ს 925 №-რი 1925 წ. ივლისის 14-სა) 1-ლი წ-ს შეცვლისა და დამატებისათვის, ადგენს:

ყველა რაოდენობის გაზის მიღების საგასაყიდო ღირებულების განსაზღვრა უნდა მოხდეს არა ერთი ფუთის ღირებულების ანგარიშით, არამედ სიგრძით ერთი მეტრის ღირებულების ანგარიშით; ამის გამო 1925 წლის ივლისის 10-ს თარიღისა და 46 №-რის დადგენილების 1-ლი წ-ს ის ნაწილი, რაც გაზის მიღების ღირებულებას შეეხება, შეცვლილ და შევსებულ უნდა იქნეს შემდეგნაირად.

გაზის მილი სიგრძით 1 მეტრი $\frac{1}{8}$ გოჯიანი—26 კაპ., $\frac{1}{4}$ გოჯ.—30 კაპ., $\frac{3}{8}$ გოჯ.—37 კაპ., $\frac{1}{2}$ გოჯ.—52 კაპ., $\frac{3}{4}$ გოჯ.—70,5 კაპ., 1 გოჯ.—1 მან. და 04 კ., $1\frac{1}{4}$ გოჯ.—1 მან. და 41 კაპ., $1\frac{1}{2}$ გოჯ.—1 მან. 74 კაპ., $1\frac{3}{4}$ გოჯ.—2 მ. 11 კ., 2 გოჯ.—2 მან. და 30 კაპ., $2\frac{1}{4}$ გოჯ.—3 მან. და 04 კაპ., $2\frac{1}{2}$ გოჯ.—3 მან. და 52 კაპ., 3 გოჯ.—4 მან. და 26 კაპ., $3\frac{1}{2}$ გოჯ.—5 მან. და 38 კაპ.; 4 გოჯ.—6 მან. 49 კაპ., 5 გოჯ.—8 მან. 93 კაპ., 6 გოჯ.—12 მან. 42 კაპ., 7 გოჯ.—16 მან. და 35 კაპ. და 8 გოჯიანი—21 მან. და 65 კაპ.

აკ შინა-ვაჭრობის სახალხო
კომისარი ერკომაიშვილი.

მოწესრიგების სამმართველოს
უფროსი ნოვიკოვი.

გამოქვეყნებულია „ზარია ვოსტოკა“-ს 1191 №-ში 1926 წ. ივნისის 3-ს.

განმარტება № 5 ა.კ. შრომის სახალხო კომისარიატისა.

1921 წ. ივნისის 1.

670. დაწესებულებათა და საწარმოთა მიერ კურსებზე წარვლენილ პირთა ხარჯების კომპენსაციის შესახებ.

რადგანაც მიღებულია შეკითხვები უწყებათა მიერ კურსებზე წარვლენილ მომუშავეთათვის დღიური სარგოს მიცემისა და კურსებზე ყოფნასთან დაკავშირებული ხარჯების ანაზღაურების შესახებ, აგრეთვე ამ შემთხვევებზე ა.კ. შრომის სახალხო კომისარიატის 1925 წლის აპრილის 30-ს თარიღისა და 29 №-რის დადგენილების გავრცელების თაობაზე,—ა.კ. შრომის სახალხო კომისარიატი განმარტავს:

1. ა.კ. შრომის სახალხო კომისარიატის 1925 წ. აპრილის 30-ს თარიღისა და 29 №-რის დადგენილება „წარვლინებასთან დაკავშირებული ხარჯების კომპენსაციის შესახებ“—(იხ. შრომის მომქმ. კან. კრებ., 1926 წ. გამოც., მუხ. 228)—არ გავრცელდება იმ პირებზე, რომელნიც დაწესებულებისა, საწარმოს და მეურნეობის მიერ გაგზავნილ არიან კურსებზე კვალიფიკაციის წარმატებისათვის და სრულყოფისათვის.

2. 1-ლ მუხლში აღნიშნულ პირთ კურსების გავლის განმავლობაში შეენახებათ სამსახურის ადგილი; რაც შეეხება შრომის საშოვარის შენარჩუნებასა და კურსებზე ყოფნასთან დაკავშირებული ხარჯების ანაზღაურებას, საამისო სასყიდელი მათ ეძლევათ ამა თუ იმ კურსების გავლისათვის სპეციალურად შემუშავებული და წინასწარ განსაზღვრული პირობების მიხედვით.

ა/კ. შრომის სახალხო

კომისარი იაშვილი.

შრომის სახალხო კომისარიატის

საერთო-საორგ. განყოფილების გამგე ნასყიდოვი.

გამოქვეყნებულია „ზარია ვოსტოკა“-ს 1196 №-ში 1926 წ. ივნისის 9-ს.

ცირკულიარი № 23 აკ. შრომის სახალხო კომისარიატისა.

1926 წ. ივნისის 7.

671. პენსიონერთა პრეტენზიების დაკმაყოფილების წესების შესახებ წარსული დროისთვის.

იმ გაუგებრობის გამო, რაც წარსული დროისთვის პენსიონერებთან ანგარიშის გასწორების დროს მოხდა, აკ. შრომის სახალხო კომისარიატი, „შრომის ივნალიდებისათვის და გარდაცვალებულთა ოჯახებისათვის პენსიის დანიშვნის შუამდგომლობის აღძვრის ხანდაზმულობის ვადის შესახებ“ 1924 წ. ივნისის 17-ს თარიღითა და 119 №-ით გამოცემული ცირკულიარის განსავითარებლად წინადადებას იძლევა სახემძღვანელოდ მიღებულ იყოს შემდეგი:

1. ყველა იმ შემთხვევაში, როდესაც პენსიონერის საჩივრის გამო საქმის გადასინჯვისას აღმოჩნდება, რომ დამზღვევა სალარომ, რომელსაც საქმეში ყველა დოკუმენტი ჰქონდა, პენსია სწორედ არ გამოიანგარიშა, პენსიის ახალი რაოდენობით გამოანგარიშება გავრცელებულ უნდა იქნეს წარსულ დროზედაც.

ხოლო იმ შემთხვევაში, როდესაც პენსიის რაოდენობის არასწორი გამოანგარიშება გამოირკვა პენსიონერის მიერ წარდგენილი ახალი დოკუმენტების საფუძველზე, პენსია ახალი რაოდენობით გამოანგარიშებულ უნდა იქნეს პენსიონერის მიერ ახალი დოკუმენტების წარდგენის დღიდან.

2. უკეთუ პენსიონერი, რომელიც პენსიას პირველი განცხადების შეტანის დღიდან არ იღებს, საკითხს აღძრავს პენსიის ძველი წლებისათვისაც მიცემის შესახებ, ე. ი. იმ დღიდან, რა დღესაც მან დამზღვევ სალაროს პირველად მიმართა, პენსიონერის პრეტენზია არადასაკმაყოფილებელ პრეტენზიად უნდა ჩითვალოს.

აკ. შრომის სახალხო კომისარი და აკ. შრომის სახალხო კომისარიატის სოც. დანდ. მთავარ სამმართ. უკროსი იაშვილი.

შრომის დაცვის განყოფილების გამგე ნასყიდოვი.

გამოქვეყნებულია „ზარია ვოსტოკა“-ს 1198 №-ში 1926 წ. ივნისის 11-ს.

დადგენილება № 32 აკ. შრომის სახალხო კომისარიატისა

672. სააღმშენებლო მუშაობის წარმოების დროს უშიშროების ღონისძიებათა შესახებ.

აკ. შრომის სახალხო კომისარიატი ადგენს:

შემოღებულ იქნეს ა/კფსრ ტერიტორიაზე სსრკ შრომის სახალხო კომისარიატის მიერ 1926 წლის მაისის 4-ს დამტკიცებული 103—340 №-რის დადგენილება „წესები სააღმშენებლო მუშაობის წარმოების დროს უშიშროების ღონისძიებათა შესახებ“ (გამოქვეყნებულია „სსრკ შრომის სახალხო კომისარიატის ოვესტია“-ს მე-18 №-რის 5—11 გვერდ. 1926 წ. მაისის 20-ს).

ამა წესების სამოქმედოდ შემოღებისათანავე გაუქმებულია ა/კ. შრომის სახალხო კომისარიატის 1925 წლის თებერვლის 28-ს თარიღისა და მე-14 №-რის დადგენილება „სამოქალაქო აღმშენებლობის მუშაობის წარმოების დროს შრომის უშიშროების წესების შესახებ“.

აკ. შრომის სახალხო
კომისარი იაშვილი.

შრომის დაცვის განუ. გემგე ნახუალოვი.

ტენიკური უშიშრ.
სექციის გამგე პოლისალოვი.

გამოქვეყნებულია „ზარია ვოსტოკა“-ს 1198 №-ში 1926 წ. ივნისის 21-ს.

დადგენილება აგიარკაპასიის ცენტრალური აღმასრულებელი კომიტეტისა და აკსფსრ სახალხო კომისარიატის საბჭოსი.

673. ხანძართა სტატისტიკური აღნუსხვის შესახებ.

ხანძართა სტატისტიკური აღნუსხვისათვის ა/კფსრ ტერიტორიაზე ამიერკავკასიის ცენტრალური აღმასრულებელი კომიტეტი და ა/კფსრ სახალხო კომისარიატის საბჭო ადგენენ:

დაეისროს ადგილობრივ მილიციას ან სახანძარო რაზმების უფროსებს (ადგილობრივი აღმ. კომიტეტების შეხედულებისამებრ)—ქალაქად და საქალაქო ტიპის დასახლებულ ადგილებში, სასოფლო საბჭოებს ან საუბნო, სადაირო და სათემო აღმასრულებელ კომიტეტებს—სოფლად და იმ მიწების ფარგალში, რომ-

ლებიც ამ სოფლებზეა მიწერილი, სახელმწიფო დაწესებულებათა და სახელმწიფო საწარმოთა ადმინისტრაციას, უკეთუ მათ კუთვნილ ქონებაში ან იმ ქონებაში, რომელიც მათ სარგებლობაშია, ხანძარი მოხდება, გაუგზავნონ ხოლმე ა/კ. სახ. დაზღვევის საუბნო (ან სამაზრო, იქ, სადაც საუბნო სააგენტო მოწყობილი არ არის) დამზღვევ აგენტს, არა უგვიანეს 7 დღისა ხანძარის შემდეგ, სახანძარო აქტი დადგენილი ფორმით.

შენიშვნა. რეგისტრაციაში ამა დადგენილების წესისამებრ არ უნდა იქნეს გატარებული ის ხანძარი, რაც გზათა სახალხო კომისარიატისა, სამხედრო და საზღვაო სახალხო კომისარიატისა, სახალხო მეურნეობის უმაღლესი საბჭოს სამხედრო მრეწველობის მთავარ სამმართველოს და ა/კსფსრ-ში შემავალი რესპუბლიკების მიწათმოქმედების სახალხო კომისარიატების ტყეთა სამმართველოს ქონებაში მოხდება.

ამიერკავკასიის ცენტრალური
აღმასრულებელი კომიტეტის თავმჯდომარე მ. ცხაკაია.

ა/კსფსრ სახალხო კომისართა საბჭოს
თავმჯდომარე მ. ორახელაშვილი.

ამიერკავკასიის ცენტრალური
აღმასრულებელი კომიტეტის მდივანი ა. შავერდოვი.

1926 წ. მაისის 24. ტფალისი—სასახლე.

გამოქვეყნებულია „ზარია ვოსტოკა“-ს 1188 №-ში 1926 წ. მაისის 30-ს

ინსტრუქცია უინა-ვაჭროვის სახალხო კომისარიატისა.

674. სასაკლაო და ქალაქის მოდნებზე საკლავი საქონლისა, დაკლული საქონლის ხორცისა, ხორცეული პროდუქტებისა და თევზის ყიდვა-გაყიდვის წარმოების შესახებ.

1. საკლავი საქონლისა, დაკლული საქონლის ხორცისა და თევზის პროდუქტების ყოველგვარი ყიდვა-გაყიდვა სწარმოებს მარტოდონ სასაკლაო და ქალაქის ბაქანებზე და მოწესრიგდება სათანადო ბირჟის ხორცის სექციის სამაკლეროს მეშვეობით.

2. სასაკლაო ბაქანზე შესვლისა, ყიდვისა, გარიგების მოწესრიგებისა და საქონლის დაკვლის უფლება აქვს:

ა) სახელმწიფო და კოოპერატიული ორგანიზაციის წარმომადგენელს, რომელიც საკლავო საქონლის განმზადების საქმეს აწარმოებს ან რომელიც დაკლული საქონლის ხორცის ვაჭრობას ეწევა;

ბ) კერძო ხორცის მოვაჭრეს, რომელიც დაკლული საქონლის ხორცის ვაჭრობას ეწევა როგორც ბითუმად, ისე ცალობით, აქვს დუქნის თვალი სასაკლავოს და ბირჟის სამყოფელ ადგილას და სათანადო პატენტი ვაჭრობის წარმოებისათვის;

გ) იმ პირს, რომელსაც ზემოაღნიშნული დუქნის თვალისა და სავაჭრო პატენტის მქონე პირისაგან აქვს სანოტარო რწმუნებულება გარიგებათა დადებისათვის.

შენიშვნა 1. ერთსა და იმავე დროს პატენტისა და დუქნის თვალის ქონა სავალდებულო პირობაა, რაც ამა ინსტრუქციის მე-2 მუხ. აღნიშნულ ვაჭრობის უფლებას ანიჭებს;

შენიშვნა 2. საძებნე ქარხნის მფლობელს უფლება აქვს იყიდოს და დაჰკლას საქონელი მარტოოდენ მისი ქარხნის გამოსავლიანობის ფარგალში, რასაც სათანადო ბირჟის ხორცის სექცია განსაზღვრავს;

დ) საქონლის ყურისგდებისა და დაკვლის საქმეში წახმარებისათვის სასაკლავო ბაქანზე შეიშვებიან ხელის ქვეითი პირები ან ნოქრები როგორც სახელმწიფო-საკოოპერაციო ორგანიზაციისა, ისე კერძო ხორცის მოვაჭრესა, რომელსაც ამა ინსტრუქციის მე-2 მუხლში აღნიშნული უფლება აქვს;

შენიშვნა. ხელ ქვეით პირს თუ ნოქარს უნდა ჰქონდეს თავისი ორგანიზაციისა ან სავაჭრო დაწესებულების მოწმობა, სადაც ის მუშაობს; მოწმობას წინასწარ რეგისტრაციას გაუკეთებს სათანადო ბირჟის ხორცის სექცია და იგივე გასცემს სასაკლავო ბაქანზე შესვლის უფლებას.

3. ყველა ხორცის მოვაჭრე კოოპერატიული და სახელმწიფო ორგანიზაცია, აგრეთვე კერძო ვაჭარი, რომელიც დაკლული საქონლის ხორცს სასაკლავო ბაქანის ვარგეში იძენს გასაყიდად ან ორგანიზაციებისა და საწარმოთათვის ყიდვა-მისაწოდებლად ბითუმად თუ ცალობით, მოვალეა რეგისტრაცია გაუკეთოს თავის გარიგებას ქალაქის სახორცე ბაქანზე, სადაც ეს ბაქანი არსებობს.

4. საკლავ საქონლად იგულისხმება: მსხვილფეხა რქოსანი საქონელი, ნერბი-ცხვარი, ვერძი-ცხვარი და ღორი.

5. შინა-ვაჭრობის სახალხო კომისარიატის რწმუნებულს აკავსრ-ში შემაჯალ სათანადო რესპუბლიკაში წინადადება ეძლევა მეთვალყურეობა იქონიოს ამა დადგენილობის სისწორით აღსრულებისათვის.

6. ამა ინსტრუქციის დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსის თანახმად, როგორც შინა-ვაჭრობის წესების დარღვევისათვის.

ინსტრუქცია ესე ძალაში შედის დღიდან მისი გამოყვეყნებისა.

ვამტაკიებ.

ა/კ. შინა-ვაჭრობის სახალხო
 კომისარი ერკომაიშვილი.

1926 წ. მაისის 28. ქ. ტფილისი.

გამოქვეყნებულია „ზარია ვოსტოკა“-ს 1200 №-ში 1926 წ. ივნისის 13-ს.

სსრკ-ის კომისიის № 29 ა.კ. შრომის სახალხო კომისარიატისა.

1926 წ. ივნისის 15.

675. სანატორიუმებში და დასვენების სახლებში დაზღვეულთა წა- სახვლელად საწარმავლო ხარჯების გადახდის წესის შესახებ.

ა/კ. შრომის სახალხო კომისარიატის სოციალური დაზღვევის მთავარ სამ-
მართველოში ცნობებია მიღებული, რომ ადგილ-ადგილ ამიერკავკასიის დამზღვევ
ორგანოებს პრაქტიკად შემოღებული აქვთ დაზღვევის სახსართა ხარჯვა დასვენე-
ბის სახლებში და სანატორიუმებში გაგზავნილ დაზღვეულთათვის საწარმავლო
ხარჯისა და დღიური სარგოს მიცემით; ამით ისინი აღიღებენ ხარჯებსა და არყევენ
დაზღვევის საქმის ბიუჯეტის სიმტკიცეს. ამის გამო ა/კ. შრომის სახალხო კომისა-
რიატი შემდეგ წინადადებას იძლევა აუცილებელი და მტკიცე შესრულებისათვის:

1. მოსპობილ იქნეს ფულის მიცემა დღიური ან საწარვლინებო სარგოს
სახით დამზღვევი ორგანოების მიერ სანატორიუმებში გასაგზავნ ავადმყოფ დაზ-
ღვეულთათვის, გარდა ავადმყოფობის გამო მისაცემი დახმარებისა და გზის ხარ-
ჯისა ფაქტიური ღირებულების მიხედვით.

შენიშვნა. იმ დაზღვეულს, რომელიც კურორტზე თავისი ხარ-
ჯით მიდის ან არა-დამზღვევი ორგანიზაციის მიერ იგზავნება, გარდა
დროებითი შრომის უზნარობისათვის მისაცემი დახმარებისა, უკეთუ
ეს დახმარება მას ერგება, სხვა არაფერი არ უნდა მიეცეს-რა.

2. მოსპობილ იქნეს ყველგან, სადაც ეს პრაქტიკაშია, ყოველგვარი საგზაო
და დღიური სარგოს მიცემა იმ დაზღვეულთათვის, რომელთაც დამზღვევი ორგა-
ნოები დასვენების სახლებში ჰგზავნიან.

3. მოსპობილ იქნეს სრულიად ტრანსპორტით უფასოდ გადაყვანა დასვენე-
ბის სახლებში გასაგზავნ დაზღვეულთა „დაზღვევის ფონდის“ ხარჯზე.

4. ყველა ის დადგენილება, რაც ა/კ. სოციალური დაზღვევის ორგანოებ-
შია შემოღებული და ამა ცირკულიარს ეწინააღმდეგება, გაუქმებულ იქნეს დაუ-
ყოვნებლივ.

5. პასუხისმგებლობა ამა ცირკულიარის დარღვევისათვის დაეკისრება სო-
ციალური დაზღვევის რესპუბლიკანური სამმართველოების უფროსებს და დამზ-
ღვევი კომიტეტების თავმჯდომარეებს.

ა/კ. შრომის სახალხო კომისარი
და სოც. დაზღ. მთავ. სამმართ. უფროსი იაშვილი.

ა/კ. შრომის სახალხო კომისარიატის
საერთო-საორგ. განყოფილების გამგე ნ. ნახყილოვი.

გამოქვეყნებულია „ზარია ვოსტოკა“-ს 1203 №-ში 1926 წ. ივნისის 17-ს.

დადგენილება ამიერკავკასიის ცენტრალური აღმასრულებელი კომისიებისა და აკსფსრ სახალხო კომისარტისა სბჭოსი.

676. საზაფხულო პერიოდში სხდომების გამართვის აკრძალვის შესახებ ყოველკვირეული დასვენების წინა-დღის 12 საათიდან შემდგომი სამუშაო დღის 11 საათამდე.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისარტა საბჭო ადგენენ:

წინადადება მიეცეს ყველა სახელმწიფო ორგანოს ა/კსფსრ ტერიტორიაზე დაადგინონ—1926 წლის საზაფხულო პერიოდის განმავლობაში სექტემბერის 1-დღე, —წესი, რომლითაც აიკრძალება ყოველგვარი სხდომის გამართვა შაბათი-დღის 12 საათიდან ორშაბათის 11 საათამდე, ხოლო იმ ადგილებში, სადაც ყოველკვირეული დასვენების დღედ პარასკევია, — ხუთშაბათის 12 საათიდან შაბათი-დღის 11 საათამდე.

ამიერკავკასიის ცენტრალური
აღმას. კომიტეტის თავმჯდომარე **ალაშალი-ოღლი.**

ა/კსფსრ სახალხო კომისარტა
საბჭოს თავმჯდომარე **მ. ორახელაშვილი.**

ამიერკავკასიის ცენტრალური
აღმასრულებელი კომიტეტის მდივანი **ა. შავერდოვი.**

1926 წ. ივნისის 21. ტფილისი—სასახლე.


გამოქვეყნებულია „ზარია ვოსტოკა“-ს 1208 №-ში 1926 წ. ივნისის 23-სა

დადგენილება № 19 აკსფსრ სახალხო კომისარტისა სბჭოსი.

677. ამიერკავკასიის საკონტროლო ციფრების შესახებ.

ა/კსფსრ სახალხო კომისარტა საბჭო ადგენს

1. წინადადება მიეცეს ა/კსფსრ სახელმწიფო საგეგმო კომისიის წარუდგინოს დასამტკიცებლად ა/კსფსრ უმაღლეს ეკონომიურ საბჭოს არა უგვიანეს ა/წ. იელისის 20-სა ამიერკავკასიის სახალხო მეურნეობის საკონტროლო ციფრები 1926-27 წლისათვის.



2. ა/კსფსრ სახელმწიფო საგეგმო კომისიამ მუშაობა საკონტროლო ციფრების შესადგენად უნდა აწარმოოს შეთანხმებით რესპუბლიკანურ სახელმწიფო საგეგმო კომისიებთან, რომელნიც მოვალენი არიან შესრულონ ამიერკავკასიის სახელმწიფო საგეგმო კომისიის ცალკე დავალებანი ამიერკავკასიის საკონტროლო ციფრების შესახებ.

3. ა/კსფსრ სახელმწიფო საგეგმო კომისიისა და რესპუბლიკანური სახელმწიფო საგეგმო კომისიების მუშაობის შესათანხმებლად ა/კსფსრ სახელმწიფო საგეგმო კომისიასთან მოეწყობა ამიერკავკასიის საკონტროლო ციფრების კომისია—ა/კსფსრ სახელმწიფო საგეგმო კომისიის ორი წარმომადგენლისა და აზერბაიჯანისა, სომხეთისა და საქართველოს სახელმწიფო საგეგმო კომისიების თითო წარმომადგენლის შედგენილობით.

კომისიის თავმჯდომარეს დანიშნავს ა/კსფსრ სახელმწიფო საგეგმო კომისიის პრეზიდიუმი. კომისიის გადაწყვეტილებანი დასამტკიცებლად წარედგინება ა/კსფსრ სახელმწიფო საგეგმო კომისიის პრეზიდიუმს.

შენიშვნა. აზერბაიჯანისა და სომხეთის რესპუბლიკების წარმომადგენლნი გამოიწვევიან კომისიის სხდომაზე საჭიროებისადა მიხედვით.

4. საკონტროლო ციფრების შედგენის საქმეს ხელი უნდა შეუწყონ ცალკე სახლხო კომისარიატებმა და ა/კსფსრ სახელმწიფო საგეგმო კომისიას და ა/კსფსრ შედგენილობაში შემავალი რესპუბლიკების სახელმწიფო საგეგმო კომისიებს შეუძლიანთ დააკისრონ მათ რაიმე ცალკე სამუშაოს შესრულება იმ პროგრამისა და ვადის ფარგალში, რასაც დაამტკიცებს ა/კსფსრ სახელმწიფო საგეგმო კომისიის პრეზიდიუმი.

5. ა/კსფსრ ტერიტორიაზე მყოფი ყველა დაწესებულება, საერთო-საკავშირო, ფედერატიული, რესპუბლიკანური თუ ადგილობრივი, მოვალეა წარუდგინოს ა/კსფსრ სახელმწიფო საგეგმო კომისიას, რესპუბლიკანურ სახელმწიფო საგეგმო კომისიებს და იმ დაწესებულებათ, რომელთაც სახელმწიფო საგეგმო კომისიები დაავალებენ ცნობების შეკრფას, ყოველგვარი ცნობა, რაც საჭირო იქნება საკონტროლო ციფრების შესადგენად, ა/კსფსრ სახელმწიფო საგეგმო კომისიის პრეზიდიუმის მიერ დამტკიცებული პროგრამით და მის მიერვე დადგენილ ვადაზე.

ა/კსფსრ სახლხო კომისართა
საბჭოს თავმჯდომარის მოადგილე დ. ჭუხეიზოვი.

ა/კსფსრ სახლხო კომისართა
საბჭოს საქმეთა მმართველი ნ. სოკოლოვსკი.

1926 წ. ივნისის 10. ტფილისი—სასახლე.

გამოქვეყნებულია „ზარია ვოსტოკა“-ს 1210 №-ში 1926 წ. ივნისის 25-ს.

დადგენილება № 20 აკსფსრ სახალხო კომისართა საბჭოსი.

678. ა/კსფსრ სახელმწიფო საგეგმო კომისიის პრეზიდიუმის სხდო-
მებში სახალხო კომისარიატების წარმომადგენლობის შესახებ.

რადგანაც საჭიროება მოითხოვს ა/კსფსრ სახელმწიფო საგეგმო კომისიის პრეზიდიუმმა იცოდეს ხოლმე დანტერესებული სახალხო კომისარიატის აზრი, ამ კომისარიატის პასუხისმგებელი წარმომადგენლის მეშვეობით, ამა თუ იმ სა-
კითხის გამო. რაც პრეზიდიუმში განიხილება, — ა/კსფსრ სახალხო კომისართა საბჭო ადგენს:

1. სახალხო კომისარიატების წარმომადგენლობა ა/კსფსრ სახელმწიფო საგე-
გმო კომისიის პრეზიდიუმში განხორციელებულ უნდა იქნეს:

ა) სათანადო სახალხო კომისარიატის კოლეგიის წევრთა სახით და

ბ) მუდმივი წარმომადგენლების სახით, რომელნიც საამისოდ რწმუნებამოსი-
ლნი იქნებიან სახალხო კომისარიატების მიერ ა/კსფსრ სახელმწიფო საგეგმო
კომისიის პრეზიდიუმთან შეთანხმებით.

2. სახალხო კომისარიატების მომუშავეთა მონაწილეობა ა/კსფსრ სახელმ-
წიფო საგეგმო კომისიის პრეზიდიუმის სხდომებში ტექნიკური და სპეციალუ-
რი საკითხების გამო შეიძლება სახალხო კომისარიატის პასუხისმგებელი წარ-
მომადგენლის წარდგენით, რომელიც სხდომაზე იმყოფება.

ა/კსფსრ სახალხო კომისართა

საბჭოს თავმჯდომარის მოადგილე დ. ჰუსეინოვი.

ა/კსფსრ სახალხო კომისართა

საბჭოს საქმეთა მმართველი ნ. სოკოლოვსკი.

1926 წ. ივნისის 10. ტფილისი — სასახლე.

გამოქვეყნებულია „ზარია ვოსტოკა“-ს 1211 №-ში 1926 წ. ივნისის 26.

დადგენილება № 3187 აკსფსრ შინა-ვაჭრობის სა- ხალხო კომისარიისათვის.

(მოწესრიგების სამმართველო)

1926 წ. ივნისის 22.

679. მოსაწევი წეკოს საბითუმო და ცალობითი (საეტიკეტო) ფა-
სების შესახებ.

ამიერკავკასიის ცენტრალური აღმასრულებელი კომიტეტის მიერ „ა/კსფსრ
შინა-ვაჭრობის სახალხო კომისარიატის დებულების“ შესახებ 1924 წ. ივნისის
26-ს თარიღით გამოცემული დადგენილების მე-3 მუხ. „გ“ პუნ. თანახმად —
ა/კსფსრ შინა-ვაჭრობის სახალხო კომისარიატი ადგენს:

1. დაწესებულ იქნეს, რომ სსრკ ტერიტორიაზე მომქმედ ყველა საწვკოო ფაბრიკის მიერ გასაყიდად გამოშვებულ მოსაწვე წვეკოს უნდა ჰქონდეს ეტიკეტი ფაბრიკის აღნიშვნით და წარწერით: „წონა—50 გრამი. ფასი—7 კაპ. ციმბირისა, შორეულ აღმოსავლეთისა, თურქისტანისა და ამიერკავკასიისათვის ფასი—8 კაპ. ამ ფასზე ძვირად გაყიდვა დასჯება კანონით“.

შენიშვნა. ამიერკავკასიის ფაბრიკების წარმოების მოსაწვევი წვეკოს გასაყიდად გამოშვებისას, ის აღნიშვნები, რაც ამა დადგენილების 1-ლი მუხლითაა გათვალისწინებული და რაც აკლია ამიერკავკასიის ფაბრიკების მიერ გამოშვებულ წვეკოს ეტიკეტს, შეიძლება შეესებულ იქნეს სათანადო შტამპის დასმით ან დაწებებით.

2. დაწესებულ იქნეს შემდეგი მაქსიმალურ უკიდურესი საბითუმო და წვრილ-საბითუმო საგასაცემო ფასები სსრკ ყველა ფაბრიკის მოსაწვე წვეკოზე, გამოუნაკლასად:

ა) ფრანკო-ვაგონი უახლოესი გამგზავნელი სადგური—ყუთი (20 კილო), აქციზის ჩათვლით,—22 მან. და 70 კაპ.

ბ) ფრანკო-საწყობი, ფაბრიკის ფარგლის გარეშე,—22 მან. და 70 კაპ. პლიუს ფაბრიკიდან საწყობში საქონლის მისაზიდი ნამდვილი ხარჯი.

შენიშვნა. ა) როდესაც სრულიად რუსეთის წვეკოს სინდიკატი, უკრაინის წვეკოს ტრესტი და ცენტრალური კავშირი მიჰყიდის წვეკოს ბითუმად ყველა ისეთ სავაჭრო ორგანიზაციას, რომელიც წვეკოს ბითუმსა და ცალობით ვაჭრობას ეწევა, შეიძლება განსაკუთრებული შეთანხმებით წვეკოს ნაკლებ ფასში დათმობა; ამასთანავე კოოპერატიულ ორგანიზაციას აუცილებლად უნდა დაეთმოს 1,5 პროც. მონაკლებით იმ საბითუმო-საგასაცემო ფასისა, რაც ამა დადგენილების 1-ლი მუხ. არის დაწესებული.

ბ) როდესაც წვეკოს ყიდულობს ესა თუ სავაჭრო და სამრეწველო ორგანიზაცია, აგრეთვე მარტოოდენ ცალობით მოვაჭრე საწარმო და პირი, გამყიდველის საგასაცემო ფასი ფრანკო-საწყობი შესდგება ცალობითი (საეტიკეტო) ფასისაგან მინუს მინიმუმ 10%-ნი მონაკლები.

3. ა/კ. შინა-ვაჭრობის სახალხო კომისარიატის რწმუნებულმა ა/კფსრ-ში შემავალ სათანადო რესპუბლიკაში თვალყური უნდა ადევნოს ამა დადგენილების სისწორით შესრულებას.

4. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსის თანახმად, როგორც შინა-ვაჭრობის წესების დარღვევისათვის.

დადგენილება ესე ძალაში შედის დღიდან მისი გამოქვეყნებისა.

ა/კ. შინა-ვაჭრობის სახალხო
კომისარი **ერკომაიშვილი.**

მოწესრიგების სამმართველოს უფროსი **ნოვიკოვი.**

გამოქვეყნებულია «ზარია ვოსტოკა“-ს 1211 №-ში 1926 წ. ივნისის 26-ს.



დადგენილება აგიარკავკასიის ცენტრალური აღმასრულებელი კომიტეტისა და აკსფსრ სახალხო კომისართა საბჭოსი.

680. უცხოელთა საცხოვრებელი დოკუმენტის დებულების შეცვლის შესახებ.

ამიერკავკასიის ცენტრალური აღმასრულებელი კომიტეტისა და აკს. სახალხო კომისართა საბჭოს მიერ 1926 წ. აპრილის 12-ს დამტკიცებული უცხოელთა საცხოვრებელი დოკუმენტის დებულების (აკსფსრ კან. კრ. 1926 წ. მე-4 №-რი, მუხ. 636) 22 მუხლის შესაცვლელად და აკს. ცენტრალური აღმასრულებელი კომიტეტისა და აკსფსრ სახალხო კომისართა საბჭოს მიერ „უცხოელთა საცხოვრებელი დოკუმენტის დებულების შეცვლის შესახებ“ 1926 წ. მაისის 14-ს თარიღით გამოცემული დადგენილების (აკსფსრ კან. კრ. 1926 წ. მე-5, № რი, მუხ. 654) გასაუქმებლად—ამიერკავკასიის ცენტრალური აღმასრულებელი კომიტეტი და აკსფსრ სახალხო კომისართა საბჭო ადგენენ:

ზემოხსენებული დებულების 22 მუხლში აღნიშნული ვადა,—რომლის შემდეგაც იმავე დებულების 21 მუხ. ჩამოთვლილი ყველა დოკუმენტი გამოცხადებული იქნება ძალადაკარგულ დოკუმენტად და აკსფსრ-ში ცხოვრების საფუძვლად არ გამოდგება,—ითვლებოდეს 1926 წ. ივლისის 10-დან.

- ამიერკავკასიის ცენტრალური აღმასრულებელი კომიტ. თავმჯდომარე **ალამალი-ოღლი.**
- აკსფსრ სახალხო კომისართა საბჭოს თავმჯდომარე **მ. ორახელაშვილი.**
- ამიერკავკასიის ცენტრალური აღმასრულებელი კომიტეტის მდივანი **ა. შავერდოვი.**

1926 წ. ივნისის 26. ტფილისი-სახალხო.

გამოქვეყნებულია „სარია ვოსტოკა“-ს 1213 №-ში 1926 წ. ივნისის 29-ს.

დადგენილება აგიარკავკასიის ცენტრალური აღმასრულებელი კომიტეტისა და აკსფსრ სახალხო კომისართა საბჭოსი.

67981. სპირტის სასმელებისა და სპირტნარევი ნივთიერების უკანონოდ დამზადებისა, შენახვისა და გასაღებისათვის კონფისკაციამნილი საგნების გაყიდვით შემოსული ჯარიმისა და ფულის განაწილების წესის შესახებ.

შინა-გ 26-ს ც ამიერკავკასიის ცენტრალური აღმასრულებელი კომიტეტისა და აკსფსრ სახალხო კომისართა საბჭოს მიერ „სპირტის სასმელებისა და სპირტნარევი ნივ-

თიერების უკანონო დამზადებისა, შენახვისა და გასაღებისათვის ჯარიმად გადახდვიანებული ფულის განაწილების წესის შესახებ* 1924 წ. ივლისის 9-ს თარიღით გამოცემული დადგენილების (აქსფსრ კან. კრ. 1924 წ. მე-5 №-რის მუხ. 174) გასაუქმებლად და სსრკ ცენტრალური აღმასრულებელი კომიტეტისადი სახალხო კომისართა საბჭოს მიერ „აქციზისა, სპირტის სასმელებისა და თამბაქოს ნაკეთობის ვაჭრობის უფლებისათვის გადასახდვიანებული საპატენტო გამოსაღების თაობაზე გამოცემული დადგენილების დარღვევისათვის გადასახდვიანების დადების წესის შესახებ“ 1925 წ. ოქტომბრის 18 თარიღით გამოქვეყნებული (სსრკ კან. კრ. 1925 წ. 75 №-რი, მუხ. 564) დადგენილების მე 4 მუხ. შენიშვნის თანახმად—ამიერკავკასიის ცენტრალური აღმასრულებელი კომიტეტი და აქსფსრ სახალხო კომისართა საბჭო ადგენენ:

1. არაპირდაპირ გადასახადთა შესახებ გამოცემულ დადგენილებების დარღვევისათვის, რაც დაკავშირებულია სპირტის სასმელებისა და სპირტნარევი ნივთიერების უკანონო დამზადებასა, შენახვასა და გასაღებასთან, სასამართლო და ადმინისტრაციული წესით დადებულ ჯარიმებიდან და აგრეთვე ასეთი საქმეების გამო კონფისკაციაქმნილი საგნების გაყიდვით შემოსული თანხებიდან 50% გადაირიცხება აღმასრულებელი კომიტეტების ადგილობრივ სახსარში, ხოლო 50% მიეცემა აღმომჩენელთ და დამკვეთთ.

2. ადმინისტრაციული წესით განხილული საქმეების გამო არაპირდაპირ გადასახადთა წესების დარღვევათათვის გადასახდვიანების დადების შესახებ მიღებულ დადგენილებათა აღსრულება დაეკისრება არაპირდაპირ გადასახადთა აგენტებს, ხოლო სახალხო სასამართლოების განაჩენები სისრულეში მოიყვანება სასამართლო აღმასრულებლების მიერ.

3. გადახდვიანებული ჯარიმა და კონფისკაციაქმნილი საგნების გაყიდვით მიღებული თანხები შეტანილ უნდა იქნეს სათანადო ფინანსთა სახალხო კომისარიატისა ან მისი რწმუნებულის დეპოზიტში იმ ადგილას, სადაც არაპირდაპირ გადასახადთა წესების დარღვევა მოხდა. ფინანსთა სახალხო კომისარიატებისა ან მათი რწმუნებულების დეპოზიტში შესულ თანხებს გაანაწილებენ თითონ ისინი ამა დადგენილების 1-ლი მუხლის თანახმად.

ამიერკავკასიის ცენტრალური
 აღმასრულებელი კომიტ. თავმჯდომარე **ალამალი-ოღლი.**

ა/ქსფსრ სახალხო კომისართა
 საბჭოს თავმჯდომარე **მ. ორახელაშვილი.**

ამიერკავკასიის ცენტრალური
 აღმასრულებელი კომიტეტის მდივანი **ა. შავერდოვი.**

1926 წ. ივნისის 21. ტფილისი-სახალხო.

გამოქვეყნებულია „ზარია ვოსტოკა“-ს 1214 №-ში 1926 წ. ივნისის 30-ს.

ს. ს. მ. უ. ს. პოლიგრაფტრესტის 1-ლი სტამბა. პლენ. პრ. № 91